

詩

源

辨

體

詩源辨體卷十六

盛唐

改定本

江陰許學夷伯清 著

王摩詰

名維

(孟)

(浩然)

才力

不逮

高岑

而造詣

實深

與趣

實遠

(遠)

(故)

(其)

(古)

(詩)

(雖)

(不)

(足)

律詩

體多

渾圓

語多

活潑

而氣象

格

自在

多入

於

聖

矣

下流至錢劉諸

子五七言律

摩詰五言古雖有佳句然散緩而失體裁平韻者間雜律

體

凡韻者

多忌

鶴膝

短箍

為勝

楚辭

深得

九歌

之趣

唐

人所難

七言古

語雖

婉麗

而氣象

不足

聲調

間有不純

者

何仲默云

右丞

摩詰為尚書右丞

他詩甚長

獨古作

不逮

是

也

言以辨骨
卷一
摩詰才力雖不逮高岑。而五七言律風體不一。五言律有

一種整栗雄麗者。有一種一氣渾成者。有一種澄淡精
緻者。有一種閒遠自在者。如天官動將星。單車曾出塞
一橫吹雜繁笳。不識陽關路。等篇。皆整栗雄麗者也。如風
勁角弓鳴。絕域陽關道。建禮高秋夜。憐君不得意。等篇。
一皆一氣渾成者也。如獨坐悲雙鬢。寂寞掩柴扉。松菊荒
三逕。言從石菌閣。巖壑轉微逕。等篇。皆澄淡精緻者也。
如清川帶長薄。寒山積蒼翠。晚年惟好靜。主人能愛客。
重門朝已啓。等篇。皆閒遠自在者也。至如楚塞三湘接。
既甚雄渾。新粧可憐色。則又嬌嫩。若高岑才力雖大。終

不免一律耳。

王孟五七言律摘句見盛唐總論

摩詰七言律亦有三種。有一種宏瞻雄麗者。有一種華藻秀雅者。有一種淘洗澄淨者。如欲笑周文。居延城外。絳憤雞人等篇。皆宏瞻雄麗者也。如渭水自縈。漢主離宮。明到衡山等篇。皆華藻秀雅者也。如帝子遠辭。洞門高閣。積雨空林等篇。皆淘洗澄淨者也。是亦高岑之所不及也。

或問摩詰五七言律聲氣。或有類大曆者何耶。曰。大曆諸子。時代漸移。而風氣始散。摩詰於禪學有悟。其英氣漸消。聲氣雖同。而風格自異耳。司空圖云。王右丞澄淡精

緻格在其中是也。

摩詰集七言律凡二十首。品彙所選十三首。今品彙以絳

憤雞人以下四首屬摩詰。以別館春還以下十首屬李

愷。蓋別館一首。本李愷詩。其下九首。乃摩詰詩也。當是

簡帙錯亂耳。或刻于鱗。選詩因之可笑。今刻本觀正聲

以洞門積雨。明到三首屬摩詰。便自了然。品彙正聲皆

一又舊本卷首明註王維十三首。李愷一首。或疑此書乃

簡帙錯亂。改刻非于鱗之舊。不然王維四首。李愷五首。于鱗序中安得無李愷。

五言絕太白摩詰多人於聖矣。胡元瑞云五言絕二途。摩

詰之幽玄太白之超絕是也。上承王楊盧駱五言四句下流至錢劉諸子五言絕。

摩詰五言絕意趣幽玄。妙在文字之外。摩詰與裴廸書畧云。夜登華子岡。輞水淪漣與月上下。寒山遠火明滅。林外深巷寒犬吠聲如豹。村墟夜春復與疎鐘相間。此時獨坐。僮僕靜默。每思曩昔攜手賦詩。猶能從我遊乎。摩詰胸中滓穢淨盡。而境與趣合。故其詩妙至此耳。胡元瑞云。右丞輞川諸作。自出機軸。名言兩忘。色相俱泯。又云。五言絕。右丞却入禪宗。如人間桂花落。木末芙蓉花。讀之身世兩忘。萬念皆寂。不謂聲律之中有此妙詮。

東坡云。味摩詰之詩。詩中有畫。觀摩詰之畫。畫中有詩。愚按摩詰詩。如回風城西雨。返景原上村。殘雨斜日照。

夕嵐飛鳥還。陰盡小苑城。微明渭川樹。行到水窮處。坐看雲起時。山中一夜雨。樹杪百重泉。啼鳥忽臨澗。歸雲時抱峯。返影入深林。復照青苔上。彩翠時分明。夕嵐無處所。逶迤南川水。明滅青林端。溪上人家凡幾家。落花半落東流水。瀑布杉松常帶雨。夕陽彩翠忽成嵐。雲裡帝城雙鳳闕。雨中春樹萬人家。新豐樹裡行人度。小苑城邊獵騎迴。等句皆詩中有畫者也。山谷云。予頃年登山臨水。未嘗不讀摩詰詩。故知此老胸次。定有泉石膏肓之疾。已上四句皆山谷語

孟浩然古律之詩。五言爲勝。五言則短篇爲勝。古詩長篇

平韻者皆雜用律體仄韻者亦多忌鶴膝子美稱其賦詩何必多。往往凌鮑謝。正謂其古律短篇勝耳。元美亦謂浩然句不能出五字外。篇不能出四十字外。此其所短。深得之矣。

浩然才力雖小。然為短篇則有餘。李杜摩詰並相推重。

李詩

云愧非流水韻。切入伯牙絃。杜云賦詩何必多。往往凌鮑謝。又云復憶襄陽孟浩然。清詩何句盡堪傳。摩詰愛其詩。嘗過郢州。畫其像于刺史亭。因曰浩然亭。今人心知其美。而未敢顯言贊之者。蓋緣世多夸大之士。動以嶮嶮浩瀚為務。恐人以

狹小視之耳。此不自信之過也。王敬美云。詩有必不能廢者。雖眾體未備。而獨擅一家之長。如孟浩然。佻佻易

盡止以五言雋永。千載並稱王孟云。

胡元瑞云。孟詩淡而不幽。閒而匪遠。可取者一味自然。愚

按唐人律詩以興象為主。風神為宗。浩然五言律興象

玲瓏。風神超邁。即元瑞所謂大本先立。見謝靈運論中乃盛唐

最上乘。不得偏於閒淡幽遠求之也。中如北關休上書。

迢遞三巴路。人事有代謝。木落鴈南度。等篇皆一氣渾

成。與高適行子對飛蓬。岑參聞說輪臺路。摩詰風勁角

弓鳴等篇相類。皆舉見前既未可以句摘。亦未可以字求也。

皮日休摘浩然佳句。以配六朝諸子。是豈足以知浩然

哉。

古人爲詩有語語琢磨者有一氣渾成者語語琢磨者稱
[工]一氣渾成者爲[聖]語語琢磨者一有相類疑爲盜襲
一氣渾成者興趣所到忽然而來渾然而就不當以形
似求之試觀浩然[五言律]入錄者無一句人不能道然
未有一篇人易道也後人才小者輒慕浩然然但得其
淺易耳。

李杜二公詩甚多而浩然詩甚少蓋二公才力甚大思無
不獲浩然造思極深必待自得故其[五言律]皆忽然而
來渾然而就而圓轉超絕多入於[聖]矣須溪謂浩然不
刻畫祇似乘興滄浪謂浩然一味妙悟皆得之矣。

杜子美題王宰山水歌云。十日畫一水。五日畫一石。能事不受相促迫。王宰始肯留真跡。夫一水一石。寧必十日五日哉。直是興到方始下筆耳。浩然爲詩亦然。

五言律摩詰風體不一。浩然**機局善變。**然摩詰可學。而浩然不易學也。浩然如雲海訪甌閩。沿沂非便習。士有不得志。拂衣去何處。府寮能枉駕。敝廬在郭外。聞君息陰地。與君園廬並。去國已如昨。少小學書劍。挂席東南望。遑遑三十載。南國辛居士。舊國余歸楚。二月湖水清。等篇格雖稍放。而入**小變。**然皆**神會興到。**隨地化生。未可以智力求之。至如欣逢栢臺舊。義公習禪寂。支遁初求

道龍象經行處等篇則皆幽遠清曠以丘壑勝者也元瑞謂孟詩淡而不幽閒而匪遠予未敢信

浩然五言律如少小學書劍挂席東南望等篇徹首尾不對然皆神會興到一掃而成非有意創別也李太白亦然

王士源云浩然文不按古匠心獨妙五言詩天下稱其獨步愚按浩然五言律崔顥七言律雖皆匠心然體製聲調靡不合於天成所謂從心所欲不踰矩是也試觀樂天七言昔年八月非莊非宅案頭曆日等篇說見樂天論中是豈可謂不踰矩耶

浩然八月湖水平一篇前四句甚雄壯後稍不稱且舟楫
聖明以賦對比亦不工或以此爲孟詩壓卷故表明之
浩然別張子容詩何時一杯酒重與李膺傾諸本皆同愚
按李膺當作季鷹張季鷹云使我有身後千載名不如
卽時一杯酒此正用姓張事以比子容也

五言絕太白摩詰而外浩然諸篇亦多入於聖矣

浩然七言絕有涼州詞二首類盛唐諸家語決非浩然作
品彙不錄蓋當時未有也

高岑之詩才力勝於造詣王孟之詩造詣勝於才力
高岑之詩有慷慨俠烈之氣王孟之詩有一丘一壑之風

五言排律有雙韻無單韻盛唐惟李杜高岑孟浩然極守此法而浩然實不嚴整摩詰而外復多有單韻者矣正聲於排律單韻者不錄得之。

詩源辨體卷十七

改定本

江陰許學夷伯清 著

李頎五言古平韻者多雜用律體仄韻者亦多忌鶴膝七
言古在達夫之亞亦是唐人正宗五七言律多入於聖
矣。

高岑五言不拘律法者每失之於放李頎五言不拘律法
者則字字洗練故更有深味蓋李七言律聲調雖純後
人實能爲之五言調雖稍偏然自開寶至今絕無有相
類者予每讀之數過不可了。

盛唐五言律多融化無跡而入於聖七言字數稍多結撰

三
一
論

稍艱。故於穩帖。勻和。溜亮。暢達。往往不能兼備。王元美云。七言律。李有風調。而不甚麗。岑才甚麗。而情不足。王差備美。愚按岑雞鳴紫陌。西掖重雲。長安雪後。回風度雨。王居延城外。渭水自縈。漢主離宮。洞門高閣。李流澌臘月。朝聞遊子。遠公遁迹。花宮仙梵。諸篇亦可稱全作。但李較岑王。語雖鎔液。而氣若稍劣。後人每多推之者。蓋由盛唐體多失黏。諷之則難諧協。李篇什雖少。則篇篇合律矣。李知君官屬一篇。起結有類初唐。而中二聯爲工。

崔顥五言古。平韻者間雜律體。仄韻者亦多忌鶴膝。七言

古語多靡麗而調有不純。當在摩詰之下。律詩五言如
征馬去翩翩。聞君爲漢將。七言如高山代郡。昔人已乘
皆入於聖矣。

崔顥七言律有黃鶴樓。於唐人最爲超越。太白嘗作鸚鵡
洲。鳳凰臺。以擬之。終不能及。故滄浪謂唐人七言律當
以崔顥黃鶴樓爲第一。而何仲默薛君采取沈佺期盧
家少婦亦未甚離。王元美云。二詩固甚勝。百尺無枝亭
亭獨上。在厥體中。要不得爲第一。沈末句。是齊梁樂府
語。崔起法。是盛唐歌行語。如織宮錦。間一尺繡錦。則錦
矣。如全幅何。愚按沈末句。雖樂府語。用之於律。無害。但

其語則終未暢耳。謂崔首四句為盛唐歌行語，亦未為

謬。胡元瑞謂黃鶴樓鬱金堂。即盧家少婦與會誠超，而體裁

未密。丰神固美，而結撰非艱。其不識痛癢至此。元瑞論律詩於

盛唐化境 往往失之

李賓之云。律猶可間出。古意古不可涉。律調如崔顥黃鶴

一去不復返。白雲千載空悠悠。乃律間出。古要自不厭

顧華玉云。此篇一氣渾成。太白所以見屈。想是一時登

臨高興流出。未必常有此作。愚按黃鶴樓。太白欽服於

前。滄浪推尊於後。至國朝諸先輩亦靡不稱服。即元

美不無異同。而亦有百尺無枝亭亭獨上之語。予每舉

以示人，輒無領解。至有不得與衆作，並稱又或謂前半篇可作一絕句。古今人識趣懸絕，抑至於此。于鱗居恒每誦沈佺期龍池篇，龍池篇雖黃鶴所自出，而調沉語重，神韻未揚。于鱗蓋徒取其氣格耳。

太白鸚鵡洲擬黃鶴樓爲尤近。然黃鶴語無不鍊，鸚鵡則太輕淺矣。至煙開蘭葉香，風暖岸夾桃花錦，浪生下比李赤不見有異耳。以三詩等之，龍池爲過鸚鵡不及黃鶴得中。此過不及專主氣格言，與高岑、李杜不拘律法者不同。鳳凰臺吳宮晉代

二句亦非作手。

崔顥七言有鴈門胡人歌，聲韻較黃鶴尤爲合律。胡元瑞

馮元成俱謂鴈門是律是也唐音品彙俱收入七言古者蓋以題下有歌字故耳然太白秋浦歌有五言律峨眉山月歌乃七言絕也崔詩黃鶴首四句誠為歌行語而鴈門胡人實當為唐人七言律第一。

盛唐七言律多造於自然而崔顥黃鶴鴈門又皆出於天成蓋自然尚有功用可求而天成則非人力可到也予嘗謂浩然五言崔顥七言如走盤之珠非若子美之律以言解為妙耳與論子美五七言律第六則參看

殷璠云顥年少為詩名陷輕薄晚節忽變常調風骨凜然愚按崔黃鶴鴈門讀之有金石宮商之聲蓋晚年作也

故璠於河嶽英靈特錄之。使體就渾圓而語無風骨斯為輕薄。不得入聖境矣。

滄浪答吳景僊書云。論詩用健字不得。予謂此論唐律和平之調則可。若沈佺期盧家少婦。崔顥黃鶴鴈門。畢竟圓健二字。足以當之。若高岑五言。子美七言。以古為律者。不待言矣。

祖詠詩甚少。五言古僅數篇。俱不為工。五言律聲調既高。語亦甚麗。七言燕臺一去一篇。實為于鱗諸子鼻祖。

王昌齡

字少伯

五言古時入古體。而風格亦高。然未盡稱善。

平韻者。間雜律體。仄韻者亦多。忌鶴膝。殷璠云。元嘉以

還四百年內。曹劉陸謝風骨頓盡。頃有太原王昌齡。魯

國儲光義。頗從厥跡。蓋唐人久無此體。故創見而誇美

之也。餘見總論殷璠選詩中七言絕多入於聖敬美。元瑞言之備

矣。詳見太白七言絕論中

儲光義五言古最多。平韻者多。雜用律體。亦忌上尾仄韻

者。多忌鶴膝。而平韻亦有之。蓋唐人痼疾耳。其樵父漁

父等詞。格調雖奇。然既不合古。又不成家。正變兩失。餘見

總論殷璠選詩中若田家諸詩。則猶有可采者。律詩亦未為工。

五言絕始多入錄。

儲光義樵父漁父等詞。諸家多采錄之。殷璠謂其格高調

逸趣遠情深。至須溪亦甚稱焉。蓋得之於彷彿而非所
謂實證實悟者也。

常建五言古風格既高意趣亦遠。然未盡稱快。惟短篇堪
入錄耳。

盧象五言律有家居五原上一首。乃盛唐化境。故特錄之。
與初唐薛稷同例。

盛唐律詩本未可以句摘。但初唐中晚既有摘句。而盛唐
無摘。不足以較盛衰。今姑摘數十聯以見大畧。五言高
適如功名萬里外。心事一杯中。虜障燕支北。秦城太白
東。幕府爲才子。將軍作主人。近關多雨雪。出塞有風

塵。風塵驚跋涉。搖落怨睽攜。地出流沙外。天長甲子
西。岑參如春風。不曾到漢使。亦應稀。白草通疏勒。青
山過武威。幕下人無事。軍中政已成。坐參殊俗語。樂
雜異方聲。山開灞水北。雨過柱陵西。歸夢愁能作。鄉
書醉嬾題。主維如草枯。鷹眼疾雪盡。馬蹄輕。忽過新
豐市。還歸柳營。三春時有鴈。萬里少行人。苜蓿隨天
馬。蒲萄逐漢臣。九門寒漏徹。萬井曙鐘多。月迴藏珠
斗。雲消出絳河。爲客黃金盡。還家白髮新。五湖三畝
宅。萬里一歸人。孟浩然如不才。明主棄。多病故人疎。
白髮催年老。青陽逼歲除。亂山殘雪夜。孤燭異鄉人。

漸與骨肉遠。轉於僮僕親。江山留勝跡。我輩復登臨。

水落漁梁淺。天寒夢澤深。我家襄水曲。遙隔楚雲端。

鄉淚客中盡。孤帆天際看。崔顥如單于。莫近塞都護。

欲臨邊漢驛。通煙火。胡沙乏井泉。出塞清沙漠。還家

拜羽林。風霜臣節苦。歲月主恩深。常建如夜久。潮侵

岸。天寒月近城。平沙依鴈宿。候館聽雞鳴。盧象如獨

負山西勇。誰當塞下名。死生遼海戰。雨雪薊門行。七

言高適如巫峽。啼猿數行淚。衡陽歸鴈幾封書。黃河

曲裡沙爲岸。白馬津邊柳向城。雲開汶水孤帆遠。路

遶梁山匹馬遲。岑參如金闕曉鐘開萬戶。玉階仙仗

擁千官。花迎劍珮星初落。柳拂旌旗露未乾。千門柳
色連青瑣。三殿花香入紫微。西山落月臨天仗。北關
晴雲捧禁闈。王維如鑾輿迴出千門柳。閣道迴看上
苑花。雲裡帝城雙鳳闕。雨中春樹萬人家。青山盡是
朱旗繞。碧澗翻從玉殿來。新豐樹裡行人度。小苑城邊
獵騎迴。禁裡疎鐘官舍晚。省中啼鳥吏人稀。晨搖玉
珮趨金殿。夕奉天書拜瑣闈。李頎如秦地立春傳太
史。漢宮題柱憶仙郎。歸鴻欲度千門雪。侍女新添五夜
香。鴻鴈不堪愁裡聽。雲山况是客中過。關城曙色催
寒近。御苑砧聲向晚多。崔顥如武帝祠前雲欲散。仙

人掌上雨初晴。河山北枕秦關險，驛路西連漢時平。

解放胡鷹逐塞鳥，能騎代馬獵秋田。晴川歷歷漢陽

樹，芳草萋萋鸚鵡洲。祖詠如萬里寒光生積雪，二邊

曙色動危旌。沙場烽火侵胡月，海畔雲山擁薊城。等

句。皆渾圓活潑而氣象風格自在。蓋初唐氣格甚勝而

機未圓活。大曆過於流婉而氣格頓衰。盛唐渾圓活潑

而氣象風格自在。此所以爲詣極也。

元結

字次山

五言古聲體盡純。在李杜岑參外。另成一家。結

與劉侍御讌會詩序云。文章道喪久矣。時之作者。煩雜

過多。歌兒舞女。且相喜愛。系之風雅。誰道是耶。故其詩

不爲浮泛。關係實多。但其品高性潔。激揚太過。故往往傷於訐直。中如賤士吟貧婦詞。下客謠等。質實無華。最爲淳古。其他意在匠心。故多遊戲自得。而有奇趣。蓋上源淵明。下開白蘇之門戶矣。惜調多一律耳。

元結五言古。如往年在灤濱。灤人皆忘情。今來遊灤鄉。灤人見我驚。我心與灤人。豈有辱與榮。灤人異其心。應爲我冠纓。俯視松竹間。石水何幽清。涵映滿軒戶。娟娟如鏡明。何人病昏濃。積歲且未醒。與我一登臨。爲君安性情。醉人疑舫影。呼指遞相驚。何故有雙魚。隨吾酒舫行。醉人能誕語。勸醉能忘情。坐無拘忌人。勿限醉與

醒夜宴石魚湖

湖上有水鳥。見人不飛鳴。谷口有山獸。往往

隨人行。莫將車馬來。令我鳥獸驚。等句皆遊戲自得

而有奇趣者也。

元結篋中集序。謂近世作者更相沿襲。拘限聲病。故其五

言古極意洗削。聲體之純。遠勝光羲諸子。但矯枉太過。

往往有椎朴戇直之句。如何時見府主。長跪向之啼。

客言勝黃金。主人然不然。使臣將王命。豈不如賊焉。

等句皆椎朴戇直者。蓋過而非不及也。

說見左太冲論註中

山谷詩云。建安才六七子。開元數兩三人。才難不其然乎。

故盛唐李杜而外。具體僅稱高岑。而高則又亞於岑矣。

王孟律詩雖勝而古則不逮。其他諸公僅得一體兩體而亦不能盡工也。今初學不知以爲盛唐諸公諸體靡不皆攻而諸體靡不盡善。是虛慕古人而不得其實者也。

五言古至於唐古體盡亡而唐體始興矣。然盛唐五言古李杜而下惟岑參元結於唐體爲純尚可學也。若高適孟浩然李頎儲光羲諸公多雜用律體卽唐體而未純。此必不可學者。王元美謂惟近體必不可入古。李本寧謂初盛諸子啜六朝餘瀝爲古選不足論。皆得之矣。若今人作散文而雜用四六俳偶亦是文體之不純也。

以下

三十期總論
盛唐之詩

唐人沿襲六朝。自幼便爲俳偶聲韻所拘。故盛唐五言古
自李杜岑參元結而外。多雜用律體。與初唐相類。其仄
韻猶可觀者。蓋仄韻多忌鶴膝。聲調四句一轉。故古聲
雖沒。而音節猶可歌詠耳。平韻者。雖杜子美。純袴不餓
死。往者十四五。亦未免稍雜律體。太白仄韻諸篇。一
忌鶴膝。他人不足言矣。

盛唐七言歌行。李杜而下。惟高岑李頎得爲正宗。王維崔
顥抑又次之。然今人才力未必能勝高岑。而馳騁每過
之者。蓋歌行自李杜縱橫軼蕩。窮極筆力。後人往往慕

李杜而薄高岑。故多不免於強致。非若高岑諸公。出於
才力之自然也。試以全集觀之。高岑諸公。雖未極縱橫
而衆作可觀。今人雖或縱橫。而他不免於失故步矣。
或問才力本於天賦。可強致乎。曰。可。譬之筋力。一也。市井
逐末之人。負擔不逾區釜。而田野之夫。負擔則一石也。
蓋由童而習之。強致然耳。使田野之子。而從市井之人。
終身豈能負一石哉。

古律之詩。雖各有定體。然以古爲律者。失之過。以律爲古
者。失之不及。唐人長於律。而短於古。故旣多以古爲律。
而又多以律爲古也。

漢魏古詩由天成以至作用故魏爲降於漢初盛唐律詩由升堂而入於室故盛爲深於初

唐人律詩沈宋爲正宗至盛唐諸公則融化無跡而入於

聖沈宋才力既大造詣始純故體盡整栗語多雄麗盛

唐諸公造詣實深而興趣實遠故體多渾圓語多活潑

耳後之論律詩者皆宗盛唐而元美之意主於沈宋則

於古人所稱彈丸脫手者無當也安可與入化境乎

盛唐諸公律詩多融化無跡而入於聖血氣方剛時未易

窺其妙境李本寧云弁州先生元美嘗謂杜子美不啻有

十王摩詰語竊謂軒輕太過後見先生晚年定論殊服

磨摩詰

已上本
寧語

卽此而推則元美之主於沈宋者亦血

氣方剛時見也。

或問以入錄觀沈宋五言律制作實工而後人獨推盛唐

何耶曰盛唐五言律入聖者雖人止數篇然化機流行

在在而是沈宋制作雖工而化機尚淺此升堂入室之

分也。

胡元瑞云律詩大要體格聲調興象風神而已體格聲調

有則可循興象風神無方可執故作者但求體正格高

聲雄調密積習之久矜持盡化形跡俱融興象風神自

爾超邁予謂此由初入盛之階也所云積習之久矜持

盡化形跡俱融則造詣之功也何仲默謂富於才積領會神情臨景構結不做形跡斯可與論盛唐之化矣。

盛唐諸公律詩皆從悟入而悟入乃自功夫中來呂居仁

云悟入之理正在功夫勤惰間張長史見公孫大娘舞

劍頓悟筆法如張者專意此事未嘗少忘胸中故能遇

事有得遂造神妙使他人觀舞劍有何干涉也已上十

居仁語

盛唐諸公律詩不難於才力而難於悟入悟則造詣斯易

耳巖滄浪云孟襄陽學力孟浩然襄陽人下韓退之遠甚而其

詩獨出退之上者一味妙悟而已已上滄浪語今之學者多

不欲爲盛唐。非其才力不逮。蓋悟有未至。以盛唐爲平易。不足造耳。

嚴滄浪云。詩道惟在妙悟。然有透徹之悟。有一知半解之悟。盛唐諸公。透徹之悟也。愚按漢魏天成。本不假悟。六朝雕刻。綺靡。又不可以言悟。初唐沈宋律詩。造詣雖純。而化機尚淺。亦非透徹之悟。惟盛唐諸公。領會神情。不做形跡。故忽然而來。渾然而就。如僚之於九秋。秋之於奕。公孫之於劍舞。此方是透徹之悟也。

盛唐諸公律詩。造詣精熟。故爲極至。孟子云。五穀不熟。不如荑稗。是也。復齋述韓子蒼言。作詩不可太熟。亦須令

生觀其所引之句。蓋以庸套爲熟耳。非古人彈丸脫手之謂也。雖然以庸套爲熟者。其惑易釋。以熟爲庸套者。其惑未易釋也。今之學者以盛唐爲不足造。蓋以熟爲庸套耳。

盛唐諸公律詩形跡俱融。風神超邁。此雖造詣之功。亦是興趣所得耳。嚴滄浪云。盛唐諸人惟在興趣。羚羊挂角。無跡可求。故其妙處透徹玲瓏。不可湊泊。如空中之音。相中之色。水中之月。鏡中之象。言有盡而意無窮也。李

吉云詩妙在形容所謂水月鏡花言外之象

謝茂秦亦云詩有不立意造句

以興爲主。漫然成篇。此詩之入化也。

司空圖論詩云。梅止於酸。鹽止於鹹。飲食不可無鹽。梅而其美常在。鹹酸之外。此言唐人律詩有得於文字之表也。然圖知唐之為唐而不知唐律本於國風。楊用修云。二南者。修身齊家其旨也。然其言琴瑟鐘鼓。荇菜芣苢。天桃穠李。何嘗有修身齊家字。皆意在言外。使人自悟。
已上用 修語 以此求唐律益易曉矣。

胡元瑞云。律詩全在音節。格調風神。盡具音節中。李何相駁書。所謂俊亮沈着。金石鞞鐸等喻。皆是物也。愚按趙凡夫嘗謂國風音節可娛。唐律乃國風正派也。後人稱唐詩為唐音唐響。正以此耳。初盛中晚音節雖有高下。

而靡不可娛。至元和諸子，以及杜牧、皮陸，則全然用不着矣。

盛唐律詩子美信大而諸家入聖者，亦是詣極嚴滄浪云。詩之大槩有二：曰優游不迫，沉着痛快。此正諸家與子美境界也。又云：盛唐諸人惟在興趣，羚羊挂角，無跡可求。云云。則諸家境界，寧復有未至耶？元美必欲以子美爲極至，諸家爲不及，其說本於元微之。及宋朝諸公，開元大曆不聞有是論也。故予論盛唐律詩爲破第三關。

學者過此無疑，斯順流而下矣。元瑞實破三關。

元瑞云五言盛

於漢暢於魏衰於晉宋亡於齊梁見靈運論中爲破第一關又云初唐四子詞極藻豔然未脫梁陳也見李杜

論中為破第二關又論子美五言律及子美七言律風急天高一則為破第三關 然是書荀行

十年之後必有挾天子以令諸侯者顧學者造詣何如

耳造詣定則識見自不惑也

盛唐諸公律詩得風人之致故主興不主意貴婉不貴深

謂用意深非情深也馮元成謂得風人之旨而兼詞人之秀是也

子美雖大而有法要皆主意而尚嚴密故於雅為近此

與盛唐諸公各自為勝未可以優劣論也

嚴滄浪云詩有詞理意興南朝人尚詞而病於理謂語多淫豔不

循義理也本朝人尚理而病於意興唐人尚意興而理在

其中數語言言中窅然前言興趣而此言意興正兼諸

家與子美論也。宋人尚意，而此言病於意。興蓋子美之意深，而宋人之意淺也。

盛唐諸公律詩興趣極遠，雖未嘗騁才華炫葩藻而沖融

渾涵得之有餘。晚唐許渾諸子興趣既少，故雖作聰明

構新巧而矜持局束，得之甚窘。計渾為晚唐正變之首，故獨舉而言之，非謂渾

獨早於晚唐諸子也。趙凡夫謂詩有字字可賞而為低品，有不可

加點而為高格，信哉。與凡例第二十六條參看。

盛唐諸公律詩偶對自然，而意自吻合。聲韻和平，而調自

高雅。晚唐許渾諸子偶對工巧，而意多牽合。聲韻急促

而調反卑下矣。

言詩辨骨 卷之二 四
盛唐諸公律詩皆似近非近可及而未易及晚唐許渾諸子則刻意求工愈難而愈下矣大抵盛之與衰只是寬裕深刻二途。

盛唐諸公律詩卽景緣情不必泥題牽帶後人之詩必句句切題言言當旨殆與舉業無異矣胡元瑞云蘇長公二語絕得三昧曰作詩必此詩定非知詩人蓋詩惟詠物不可汗漫至於登臨燕集寄憶贈送惟以神韻爲主使句格可傳乃爲上乘今於登臨則必名其泉石燕集則必紀其園林寄贈則必傳其姓字真所謂田莊牙人點鬼簿黏皮骨者漢唐人何嘗如此最詩家下乘小道

卽一二大家有之亦偶然耳。可爲法乎。又云。清暉能娛

人。遊子澹忘歸。謝靈運詩凡登覽皆可用。微雲淡河漢。疎雨

滴梧桐。孟浩然聯句凡燕集皆可書。海日生殘夜。江春入舊

年。王灣詩北固之名奚與天。關象緯逼雲。卧衣裳冷。杜子美詩

奉先之義奚存。而皆妙絕千古。則詩之所尚可知。愚按

浩然洞庭實用雲夢岳陽。崔顥黃鶴亦用漢陽鸚鵡。此

大景槩所不可無者。非若後人有意必爲之也。

盛唐諸公律詩。旣未可以難求。亦未可以易得。予於本寧

敬美之說有取焉。李本寧云。今之詩。不患不學唐而患

學之太過。卽事對物。情與景合。而有言幹之以風骨文

之以丹彩。唐詩如是止耳。事物情景。必求唐人所未道者而稱之。弔詭蒐隱。誇新示異。過也。山林宴遊。則興寄清遠。朝饗侍從。則制存莊麗。邊塞征伐。則悽惋悲壯。睽離患難。則沈痛感慨。緣機觸變。各適其宜。唐人之妙。以此。今懼其格之卑也。而偏求之於悽惋悲壯。沈痛感慨。過也。王敬美云。初命一題。神情不屬。便有一種供給應付之語。畏難怯思。卽以充役。故每不得佳。余戲謂河下輿隸。須驅遣。另換正身。能破此一關。沈思忽至。種種真相見矣。參二子之說。觀之。斯知所以學盛唐也。

胡元瑞云。五言律晚唐第三四句。多作一串。雖流動。往往

失之輕儇。惟沈宋李王諸子。格調莊嚴。氣象闕麗。最爲可法。愚按元瑞宏博。靡所不窺。惟此論似於初盛諸家未盡究心。盛唐諸公第三四句。一串者最多。故其體甚圓。初唐沈宋諸公。一串者亦多。而機則不能甚活也。至於晚唐。或失之輕儇者有矣。元瑞於唐律不貴渾圓而貴嚴整。故假晚唐以爲戒。然初盛唐諸公全集具在。安能塗後人耳目耶。元瑞前言興象風神未必實有所得也。說見總論嚴滄浪論詩中。

七言律較五言爲難。五言盛唐夥多。入聖。七言惟崔顥鴈

門黃鶴爲詣極。高適岑參王維李頎雖入聖而未優。李

于鱗云七言律體諸家所難是也。

七言律近代論者多浮而不切。泛而寡要。予獨於元美茂秦之說有取焉。元美云。七言律篇法之妙。有不見句法者。句法之妙。有不見字法者。茂秦云。近體誦之行雲流水。聽之金聲玉振。觀之明霞散綺。講之獨繭抽絲。知此不惟中晚無可稱述。卽初盛唐二三篇而外。亦不多得矣。

胡元瑞云。七言律五十六字之中。意若貫珠。言如合璧。其貫珠也。如夜光走盤。而不失迴旋曲折之妙。其合璧也。如玉匣有蓋。而絕無參差扭捏之痕。綦組錦繡相鮮。以爲色。官商角徵互合。以成聲。思欲深厚有餘。而不可失。

之晦情欲纏綿不迫。而不可失之流。肉不可使勝骨。而骨又不可太露。詞不可使勝氣。而氣又不可太揚。莊嚴則清廟明堂。沈着則萬鈞九鼎。高華則朗月繁星。雄大則泰山喬嶽。圓暢則流水行雲。變幻則淩風急雨。一篇之中。必數者兼備。乃稱全美。愚按元瑞此論。本欲兼衆善。集大成。而實不免於罔世。作者造詣既深。興趣既遠。則下筆悠圓。而衆善兼備。乃不期然而然者。若必有意事事合法。則不惟初學無可措手。卽深造之士。亦難於結撰矣。故孔門一貫之說。惟曾子得之。而他不及也。後之君子。必有謂予知言者。

胡元瑞云。謂七言律難於五言律。是也。謂五言絕難於七

言絕。

滄浪元美之言

則亦未然。五言絕調易古。七言絕調易卑。

五言絕卽拙匠。易於掩瑕。七言絕雖高手。難於中的。楊

用修云。唐樂府本自古詩。而意反近。七言絕本於近體。

而意反遠。蓋唐人偏長獨至。而後人力追莫嗣者也。絕

句之論。二子乃深得之。

餘見太白絕句論中

詩源辯體卷之十八

盛唐

改定本

江陰許學夷伯清 著

開元天寶間高岑二公五七言古再進而為李名白字太白杜

名甫字子美二公李杜才力甚大而造詣極高意興極遠李

典杜主意故其五七言古兼歌行雜言言之體多變化語多奇偉而

氣象風格大備多人於神矣唐人五七言古至此始為入神嚴滄浪云

詩而入神至矣盡矣茂以加矣惟李杜得之他人得之

蓋寡也以上滄浪語然詳而論之二公五言古實所向如意

而優於聖七言古則變化不測而入於神矣此格有所

限非五言有未至也以下十二則總論李杜五七言古以後專論太白下卷專論子美

或問李杜二公詩本乎性生初不假悟入豈復有造詣耶
曰太白大鵬賦序云余昔著大鵬遇希有鳥賦傳於世
往往人間見之悔其少作未窮宏達之旨遂更記憶云
云然則二公之詩雖曰性生豈能卽入神化耶但不若
他人尺寸而進錙銖而成耳

漢魏五言及樂府雜言猶秦漢之文也李杜五言古及七
言歌行猶韓柳歐蘇之文也秦漢四子各極其至漢魏
李杜亦各極其至焉何則時代不同也論詩者以漢魏
爲至而以李杜爲未極猶論文者以秦漢爲至而以四
子爲未極皆慕好古之名而不識通變之道者也夫秦

漢漢魏猶可摹擬而得四子李杜未可摹擬而得也不

能摹擬而諱言未極此非欺人適自欺耳今人以時義為今文故以

四子為古文其實四子為今文秦漢為古文也與三十五卷東坡論詩一則參看

五言古七言歌行其源流不同境界亦異五言古源於國

風其體貴正七言歌行本乎離騷其體尚奇李杜五言

古雖不能如漢魏之深婉然不失為唐體之正過此則

變幻百出流為元和宋人不得為正體矣

七言歌行體雖縱橫然後進有才者往往能窺其域五言

古體雖平典然自開元天寶九百年來求為岑嘉州者

已不多得求為李杜者則益寡矣蓋歌行大小短長錯

綜闔闢其勢自然超逸五言古體有常法苟非天縱則

長篇廣韻未有所向而如意者今人於五言古不能自

運輒自託於漢魏蓋昧於西京建安多不足以盡變之

說也

詳見論學漢魏第三則論唐古與漢魏不同詳見高岑論中

李杜五言古正與歌行相匹今人於歌行知宗李杜而於

五言古必宗漢魏者是於唐古實無所得也故予不得

不服膺

國初諸子

高季迪張來儀楊東里諸子

五言古學漢魏則逆學唐人則順何則風氣相近也今人

苟讀唐古則出語自唐學漢魏非專習凝領不能得耳

五言古靈運諸子於古體既亡李杜二公於唐體為純靈

運諸子體亡。而或以爲至李杜二公體純。而或以爲不

及是虛慕古人而不得其實者也。王元美云：選體選體者昭

明選詩之體也。今人例謂唐人五言古爲選體，非矣。太白多露語，率語。子美多穉

語，累語。置之陶謝間，便覺儻父面目。今無論其體製，卽

靈運拙句摘見靈運論中醜惡，實具元美。豈皆視爲雅語耶。大

抵國朝人之失在宗六朝而後唐人耳。

五言古自漢魏遞變，以至六朝古律混淆。至李杜岑參始

別爲唐古。而李杜所向如意，又爲唐古之壺奧。故或以

李杜不及漢魏者，旣失之過。又或以李杜不及六朝者

則愈謬也。

胡元瑞云古詩窘於格調近體東於聲律惟歌行大小短

長錯綜闔闢素無定體故極能發人才思李杜之才不

盡於古詩而盡於歌行孟襄陽輩才短故歌行無復佳

者

已上元瑞語

故予謂其古詩為聖歌行為神也

與第四則參看

或問予予嘗言初唐七言古偶儷極工綺豔變為富麗然

調猶未純語猶未暢其風格雖優而氣象不足必至高

岑乃為正宗逮乎李杜則變化不測而入於神何仲默

乃云七言詩歌唐初四子雖工富麗去古遠甚至其音

節往往可歌乃知子美詞固沈着而調失流轉雖成一

家語實則詩歌之變體也

仲默後作袁海叟集序歌行又欲取法李杜

與子

言不甚相戾耶曰七言古正變與五言相類張衡四愁
子桓燕歌調出渾成語皆淳古其體爲正梁陳而下調
皆不純語多綺豔其體爲變蓋古詩調貴渾成不貴諧
切但漢魏篇什不多而體未宏大學之者不足以盡變
故直以高岑爲正宗李杜爲神品耳自梁陳以至初唐
聲俱諧切故其句多入律而可歌然所謂不純者蓋句
旣入律則偶對宜諧轉韻宜平仄相間雖不合古聲庶
成俳調今句則純乎律矣而偶對復有不諧轉韻又多
平仄疊用故其調爲不純耳胡元瑞云七言歌行四子
詞極藻豔然未脫梁陳也沈宋稍汰浮華漸趨平實唐

體肇矣然而未暢也高岑王李音節鮮明情致委折暢矣然而未大也太白少陵大而化矣能事畢矣又云初唐以才藻勝盛唐以風神勝李杜以氣槩勝而才藻風神稱之加以變化靈異遂爲大家此論甚當若仲默之論非但不知有神境在且不識正變之體故其律詩雖勝而歌行遠遜國朝諸子耳

五七言律沈宋爲正宗至盛唐諸公而入於聖五七言古高岑爲正宗至李杜而入於神然沈宋之於盛唐諸公非才力不逮蓋爲時代所限耳若高岑之於李杜二公非時代不同實爲才力所限也故古詩以才力爲主律

詩以造詣爲先

韓退之詩云李杜文章在光燄萬丈長然二公之詩又各不同太白以天才勝子美以人力勝太白光燄在外子美光燄在內王元美云五言古及七言歌行太白以氣爲主以興字易氣字更爲妥貼且高暢二字氣在其中矣以自然爲宗以俊逸高暢爲貴子美以意爲主以獨造爲宗以奇拔沈雄爲貴其歌行之妙詠之使人飄揚欲仙者太白也使人慷慨激烈獻歛欲絕者子美也愚按太白歌行窈冥恍惚漫衍縱橫極才人之致子美歌行突兀崢嶸俶儻瑰瑋盡作者之能此皆變化不測而入於神者也元美之論雖

善不免於太白神奇處失之然今人學子美或相類而學太白多不相類者蓋人力可強而天才未易及也以下十則論李杜之不同

五言古七言歌行太白以興為主子美以意為主然子美能以興御意故見興不見意元和諸公則以巧飾意故意愈切而理愈周此正變之所由分也

五言古七言歌行太白語雖自然而風格自高子美語雖獨造而天機自融學者苟得其自然而不得其風格則失之輕而流苟得其獨造而不得其天機則失之重而板。

予嘗謂古詩歌行必李杜兼法。乃爲善學。或曰古詩歌行李杜既極其至矣。後人顧反能兼之乎。予曰不然。太白以天才勝而人無太白之才。子美以人力勝而人無子美之力。故必李杜兼法乃能相濟。豈必盡兼二公所至始爲盡善哉。胡元瑞云近時作者間能具備兩公之體。至鎔液二子之長則未覩也。語甚有見。

五言古七言歌行太白語多豪放子美語多沈着太白五言古如酒後競風采。三杯弄寶刀。殺人如剪草。劇孟同遊邀。叱咤萬戰場。匈奴盡奔逃。歸來使酒氣未肯拜。

蕭曹

已上白馬篇

珠袍曳錦帶。七首插吳鴻。由來萬夫勇。挾

此生雄風

結客少年場行

鞍馬如飛龍黃金絡馬頭行人皆辟

易志氣橫嵩丘

歸家酒債多門客粲成行高談滿四

座一日傾千觴

壯士伏草間沈憂亂縱橫飄飄不得

意昨發南都城紫燕檣上嘶青萍匣中鳴投軀寄天下

長嘯尋豪英 有時忽惆悵匡坐至夜分平明空嘯咤

思欲解世紛心隨長風去吹散萬里雲

歌行如馬上

相逢揖馬鞭客中相見客中憐欲邀擊筑悲歌飲正值

傾家無酒錢 匣中盤劍裝鱗魚閒在腰間未用渠且

將換酒與君醉醉歸託宿吳專諸 千金駿馬換小妾

笑坐雕鞍歌落梅車傍側挂一壺酒鳳笙龍管行相催

我且爲君隄碎黃鶴樓君亦爲吾例却鸚鵡洲赤壁
爭雄如夢裏且須醉舞寬離憂 興酣落筆搖五嶽詩
成嘯傲凌滄洲功名富貴若長在漢水亦應西北流

抽刀斷水水更流舉杯消愁愁復愁人生在世不稱意
明朝散髮弄扁舟 等句語皆豪放子美五言古如中

天懸明月令嚴夜寂寥悲笳數聲動壯士慘不驕 百
川日東流客去亦不息我生苦飄蕩何時有終極 安

得萬丈梯爲君上上頭恐有無母雛飢寒日啾啾我能
剖心血飲啄慰孤愁 鳳凰臺 秦山忽破碎溼渭不可求俯

視但一氣焉能辨皇州

登慈恩塔

白水暮東流青山猶哭聲

莫自使眼枯收汝淚縱橫眼枯却見骨天地終無情
獻書謁皇帝志已清風塵流涕灑丹極萬乘為酸辛

積水駕三峽浮龍倚長津揚舲洪濤間仗子濟物身

歌行如去年江南討狂賊臨江把臂難再得別時孤雲

今不飛時獨看雲淚橫臆高帝子孫盡隆準龍種自

與常人殊豺狼在邑龍在野王孫善保千金軀哀王孫明

眸皓齒今何在血污遊魂歸不得清潤東流劍閣深夫

住彼此無消息哀江頭年多物化空形影嗚呼健步無由

騁如今豈無驥裏與驂騮時無王良伯樂死即休驃騎歌

自從獻寶朝河宗無復射蛟江水中君不見金粟堆南

松栢裏龍媒去盡烏呼風畫馬圖引君不見青海頭古來白

骨無人收新鬼煩冤舊鬼哭天陰雨濕聲啾啾等句

語皆沈着至若二公所向如意變化不測者則又未可

以句摘也

或問予子嘗言元和諸公之詩快心露骨故為大變今觀

李杜五言古七言歌行實多快心與元和諸公寧有異

乎曰太白快心本乎豪放子美快心本乎沉着自是詩

歌極致若元和諸公則鑿空構撰議論周悉其快心處

往往以文為詩方之李杜其正與變不待較而明矣

太白古詩歌行庸鄙者不能知子美古詩歌行浮淺者不

能讀

五言古太白如天馬長驅奮迅無前子美如鑿輿出警步
驟安重

七言歌行太白如峨眉劍閣奇幻不窮子美如大海重淵
涵蓄無量

世謂長短句爲歌行七言爲古詩愚按太白長短句甚多
不必皆歌行也子美歌行甚多不必皆長短句也然長
短句實歌行體歌行不必長短句耳大抵古詩貴整秩

歌行貴軼蕩

漢魏之詩語皆淳古太白之詩自有一種光燄故凡太白

五言擬古。感興。感遇。等作。予皆不錄。惟畧借古格而自出機軸者。予始錄之。今或以選漢魏詩。選李詩者。謬甚耳。

太白五言古長篇如門有車馬賓天津三月時憶昔作少年。一身竟無託。昔聞顏光祿。鸞乃鳳之族。我昔釣白龍。雙鵝飛洛陽。吳地桑葉綠。淮南望江南。化城若化出。鍾山抱金陵。等篇。興趣所到。瞬息千里。沛然有餘。然與子美各自爲勝。未可以優劣論也。或以此傾倒爲嫌。而取其含蓄蘊藉者。非所以論太白也。

太白五言古。軼蕩處多似明遠。而矯逸過之。子美稱其俊

言以弄骨 卷一 九
逸鮑參軍是也。至如浮陽滅霽景。朝發汝海東。飄飄江
風起。餐霞卧舊壑。北風吹海鴈。雲卧三十年。清晨登巴
陵。條然金園賞。等篇。偶儷雖出靈運。而流利自然。了不
見斧鑿痕。

太白五言古多轉韻體。其聲調倣於劉孝綽。薛道衡。諸子。
蓋太白往往乘興一掃而就。轉韻甚便耳。

屈原離騷本千古辭賦之宗。而後人摹倣盜襲。不勝饜飫。
太白鳴皋歌。雖本乎騷。而精彩絕出。自是太白手筆。至
遠別離。蜀道難。天姥吟。則變幻恍惚。盡脫蹊徑。實與屈
子互相照映。謝茂秦云。太白詩歌若疾雷破山。顛風

播海。非神於詩者不能。胡元瑞亦云。太白遠別離。蜀道難。天姥吟等。無首無尾。變幻錯綜。窈冥昏默。非其才力學之。立見顛路也。于鱗不識此境界。

初讀太白遠別離。高廷禮謂傷時君子失位。小人用事而作。殊不醒然。後讀贈辛判官詩云。函谷忽驚胡馬來。秦宮桃李向明開。姪國泰云。此指諸臣附合肅宗者而言。太白深有所刺也。予意猶未會。既而讀萬憤詞云。舜昔授禹。伯成耕犁。德自此衰。吾將安棲。意便了然。乃知遠別離言堯舜不當禪禹。又引竹書堯幽囚爲証。實與萬憤詞互相發明。太白於玄宗實爲千古榮遇。而肅宗卽

位靈武。又有未當於人心者。既而玄宗以張后李輔國
憂死西內。太白熱腸。寧不感憤。慟哭耶。此蓋以皇英比
已舜比玄宗也。亦禪禹亦字。對今而言。前輩言上元間
輔國張后矯制。遷上皇於西內。太白有感而作。既非而
蕭士贇謂此詩作於天寶之末。則尤非也。

太白蜀道難。天姥吟。雖極漫衍縱橫。然終不如遠別離之
含蓄深永。且其詞斷而復續。亂而實整。尤合騷體。范氏
云。此篇最有楚人風。所貴乎楚言者。斷如復斷。亂如復
亂。而詞意反覆屈折。行乎其間者。實未嘗斷而亂也。使
人一倡三歎。而有遺音。至於收淚謳吟。又足以興夫三

綱五典之重者。豈虛也哉。茲太白所以爲不可及也。

十一句皆

范氏語

太白歌行如鳴皋歌。遠別離。蜀道難。天姥吟。皆出於騷公。無渡河。北風行。飛龍引。登高丘。灞陵行。等出自古樂府。烏夜啼。烏棲曲。長相思。前有樽酒行。陽春歌。楊叛兒。等出自齊梁。擣衣篇。亦似初唐。至憶舊遊。魯郡堯祠之類。則太白已調耳。元瑞言之。而有未盡。今更詳之。然公無渡河等。雖出自古樂府。齊梁而高暢俊逸。觀者知爲太白。不知爲古樂府。齊梁也。

或問予。朱子云。太白詩如無法度。乃從容於法度之中。今

觀太白歌行大小短長錯綜無定其法度安在曰太白
 天縱絕世其歌行雖漫衍縱橫錯綜無定靡不合於天
 成所謂從心所欲不踰矩是也若必求其法度所在而
 學之則捕風捉影反為虛誕矣試觀任華盧仝劉叉雜
 言說見三家論中是豈可謂不踰矩耶

太白歌行雖大小短長錯綜無定然自是正中之奇元和
 諸公雖或通篇七言而快心露骨自是大變學者於此
 能別方是法眼

太白五言古七言歌行多出於漢魏六朝但化而無跡耳
 若子美五言古雖亦源於古選而以獨造為宗歌行又

與漢魏六朝迥別嚴滄浪云少陵憲章漢魏而取材於六朝至其自得之妙則先輩所謂集大成者也愚謂此論太白古詩歌行尤切。

太白五言古七言歌行其藻秀天仙之語在在而是不能遍舉其奇警者畧摘以見五言古如北風揚胡沙埋翳周與秦。浮雲蔽紫闥白日難回光。驚沙亂海日飛雪迷胡天。秋顏入曉鏡壯髮彫危冠。良圖委蔓草古貌成枯桑。鰲挾山海傾四溟揚洪流。長嘯萬里風掃清胷中憂。霜彫逐臣髮日憶光明宮。樓臺照海色衣馬搖川光。登嶽眺百川杳然萬恨長。山蟬

號枯桑始復知天秋 黃河若不斷白首長相思 **歌**

行如謝公宿處今尚在綠水蕩漾青猿啼 青冥浩蕩

不見底日月照耀金銀臺 四句夢遊 天姥吟 吳歌楚舞歡未畢

青山欲銜半邊日 鳥棲 曲 胡驕馬驚沙塵起胡雛飲馬天

津水 荒城虛照碧山月古木盡入蒼梧雲 舞影歌

聲散綠池空餘汴水東流海 嘯起白雲飛七澤歌吟

綠水動三湘 風吹柳花滿店香吳姬壓酒喚客嘗

泰山嵯峨夏雲在疑是白波漲東海散為飛雨川上來

遙帷却卷清浮埃 等句皆為奇警者也然太白奇警

處或不及子美而累語亦不若子美之為甚也

東坡云。太白豪俊語。不甚擇。集中往往有臨時卒然之句。

故使妄庸輩敢為偽撰者。如集中悲來乎笑矣乎。即悲歌行

笑歌行及贈懷素草書數詩。決非太白作。蓋唐末五代間。

學齊已輩詩也。予嘗舟次姑孰堂下。讀姑孰十詠。怪其

語淺近。不類李白。王平甫云。此李赤詩也。赤自比太白。

故名赤。其後為廁鬼所惑而死。今觀其詩。止此。而以太

白自比。則其人心疾久矣。豈廁鬼之罪哉。已上東坡語愚按

太白集中偽撰者多。不能遍舉。古詩五言如月下獨酌

第二首本馬子才詩七言如悲歌行笑歌行。上李邕上哥舒大夫

等。其俗陋不難辨。五言如贈新平少年。七言如草書歌

通塘曲等庸淺者多不能知。至五言姑孰諸作初學之士乃反指爲佳什而誦習之其惑甚矣。蓋太白雖短篇氣象自是不同。興趣自是超遠。姑孰諸作氣象興趣畧無足取。而惟以藻飾爲麗音節爲工。故初學者易惑耳。黃山谷云太白豪放。人中鳳凰麒麟。譬如生富貴人。雖醉着。冥暗中作無義語。終不作寒乞聲。滄浪亦云觀太白詩。要識真太白處是也。

讀太白詩。須是胷中滓穢淨盡。乃能有得。今人讀月下獨酌。及悲歌行。笑歌行。上李邕。上哥舒大夫等而不能辨。是胷中十分不淨。讀贈新平少年。草書歌。通塘曲等。而

不能辨是胷中七分不淨讀姑孰諸詩而不能辨亦是
胷中五分不淨也姑孰詩雖非俗陋而意興凡近讀者
或不能知亦是根塵不淨耳楊用修論詩於太白集中
偽撰者多不能辨

有客以唐伯虎石湖圖示王百穀百穀展觀見山脊寸許
卽令卷去云贗物也予心竊疑之以爲不覩全幅寧辨
真僞後讀太白贈懷素草書歌無論通篇淺陋卽起語
少年上人四字決非太白作乃知百穀鑒畫定有真識
也中如墨池飛出北溟魚筆鋒殺盡中山兔語實淺稚
今人或以爲逼真太白又起來向壁不停手一行數字

言詩語
大如半倪倪如聞神鬼驚。時時只見龍蛇走則愈見惡
俗至張顛老死不足數我師此義不師古古來萬事貴
天生何必要公孫大娘渾脫舞其偽陋不足辯矣

太白七言歌行亦有佳篇而中雜淺稚之語或後人竄入
亦不可知。今畧摘以見如與君歌一曲請君爲我側耳
聽。天生我材必有用千金散盡還復來。此江若變
作春酒壘麴便築糟丘臺。西施宜笑復宜顰醜女效
之徒累身。相如作賦得黃金丈夫好新多異心一朝
將聘茂陵女文君因贈白頭吟。等句及有耳莫洗頰
川水有口莫食首陽蕨通篇淺稚至脫吾帽向君笑飲

君酒爲君吟則又近於鄙矣

或問太白五七言律較盛唐諸公何如曰盛唐諸公本在

興趣故體多渾圓語多活潑太白才大興豪於五七言

律太不經意故每失之於放蓋過而非不及也高岑五言子美

七言以古爲律者固失之過太白才大興豪於五七言律太不經意亦過也若雕刻之於冗濫則雕刻爲過冗濫爲不及矣

五言如歲落衆芳歇燕支黃葉落胡人吹玉笛

七言如久辭榮祿遂初衣等篇斯得中耳世謂太白短

於律故表明之

太白五七言律以才力興趣求之當知非諸家所及若必

於句格法律求之殆不能與諸家爭衡矣胡元瑞云五

言律太白風華逸宕特過諸人後之學者才匪天仙多流率易此論最有斟酌

太白五言律如歲落衆芳歇燕支黃葉落胡人吹玉笛等篇極為馴雅然後入功力深至尚或可為至如晉家南渡日地擁金陵勢六代帝王國四明有狂客龔子樓間地清景南樓夜楚水清若空聞說金華渡秋浦猿夜愁爾佐宣州郡昨夜巫山下牛渚西江夜漢水波浪遠等篇格雖稍放而入小變然皆興趣所到一掃而成後人必不能為所謂人力可強而天才未易及也

王元美云太白之七言律變體不足多法愚按太白七言

律集中僅得八篇駘蕩自然不假雕飾雖入小變要亦非淺才可到也

太白五七言絕多融化無跡而大於聖
上承王楊盧駱五言四句杜沈宋七

言絕下流至錢劉諸子五七言絕李于鱗云太白五七言絕實唐三百

年一人蓋以不用意得之即太白亦不自知其所蘊而

工者顧失焉愚按七言絕太白少伯意並閒雅語更春

容而太白中多古調故又超絕王敬美云七言絕句之

源出於樂府貴有風人之致其聲可歌其趣在有意無

意之間使人莫可捉着盛唐惟青蓮龍標王少伯為二龍標尉

家詣極李更自然故居王上胡无瑞亦云唐絕句高者

大類漢人古詩調極和平而格絕高遠深得之矣

胡元瑞云七言絕成都楊用修以江寧伯少為擅場太白為偏

美歷下于鱗謂太白唐三百年一人瑯琊敬美謂李更自然

故居王上美元謂俱是神品爭勝毫釐數語咸自有

旨太白有揮斥八極凌厲九霄意江寧優柔婉麗意味

無窮風骨內含精芒外隱如清廟朱絃一倡三歎又云

李作固極自然王亦和婉中渾成盡謝爐錘之跡王作

固極自在李亦飄翔中間雅絕無叫噪之風故難優劣

愚按王李絕句以入錄者論元瑞似為有見以全集觀

少伯不能不遜太白也 國朝惟于鱗入錄者可繼餘

響惜光燄太露

太白七言絕多一氣貫成者，最得歌行之體。其他僅得王摩詰新豐美酒漢家君臣，王少伯閨中少婦數篇而已。太白五言絕有靜夜思前二句與太白絕不相類，未可采錄。七言絕洪魏公所編有飯潁山頭一篇，語更淺鄙，定是偽作。今本集亦無元瑞，俱不能辨。

王荆公次第四家詩以子美爲第一，歐陽永叔次之，韓退之又次之，以太白爲下。曰：白識見汚下。十首九說婦人與酒，愚按以李杜與韓歐並言，固不識正變之體。謂李識見汚下，十首九說婦人與酒，此尤俗儒之見耳。嚴滄

浪云觀太白詩要識其安身立命處可也。又曰白詩近俗人易悅。此言益謬。馬郡督云諸人之文猶山無烟霞春無草木。太白之文光明洞徹。句句動人。故俗之一字正不當指太白。太白人品與詩。惟東坡識之。

蘇子由云。李白詩類其爲人。駿發豪放。華而不實。好事喜名。不知義理之所在也。語用兵則先登陷陣。不以爲難。語游俠則白晝殺人。不以爲非。此豈其誠能也哉。唐詩人李杜首稱。甫有好義之心。白所不及也。愚按宋儒議論。往往皆然。田子藝云。太白寧放棄而不作眷戀之態。寧狂蕩而不作規矩之語。子美不能不讓此兩着。斯足

以知太白矣

太白之從未王璘。由於迫協東坡嘗辯之矣。其憶舊書懷詩云。半夜水軍來。尋陽滿旌旆。空名適自誤。迫協上樓船。徒賜五百金。棄之若浮煙。辭官不受賞。翻謫夜郎天。是也。或以太白未王東巡歌爲累。東巡歌十一首第九首。昔人辯其爲僞。其他篇篇規諷。無一語許其僭竊。以爲太白累耶。

詩源辯體卷十九 盛唐

改定本

江陰許學夷伯清 著

五七言樂府太白雖用古題而自出機軸故能超越諸子

至子美則自立新題自創已格自敘時事視諸家紛紛

範古者不能無厭胡元瑞云少陵不效四言不做離騷

不用樂府舊題是此老曾中壁立處然風騷樂府遺意

杜往往得之已上六句皆元瑞語

子美五言古短篇如朝進東門營男兒生世間獻凱日繼

踵下馬古戰場蓬生非無根白馬東北來崢嶸赤雲西

溪回松風長賀公雅吳語涪石眾山内字字精鍊既極

其至長篇又窮極筆力。皆非他人所及也。草堂一篇則全用樂府語。

子美五言古如自秦州入蜀諸詩。寫景如畫。石壕新安新婚垂老無家等。敘情若訴。皆苦心精思盡作者之能。非卒然信筆所能辦也。

子美石壕吏與新安新婚垂老無家等作。不同。石壕倣古樂府而用古韻。又上去二聲雜用。另爲一格。但聲調終與古樂府不類。自是子美之詩。

子美五言古凡涉敘事。紆回轉折。生意不窮。雖間有詰屈之失。而無流易之病。

朱子云。杜詩初年甚精細。晚年曠逸不可當。愚按子美五言古如自秦州入蜀諸詩。及新安新婚垂老無家。洎七言律聲調渾純者。爲甚精細。五言古如柴門杜鵑義鶻。彭衙及七言以歌行入律者。則甚曠逸。然未必精細者。盡初年作曠逸者。盡晚年作也。

子美五言古有登慈恩寺塔云。回首叫虞舜。蒼梧雲正愁。惜哉瑤池飲。日晏崑崙丘。註謂天寶十載在長安作。是也。時玄宗荒淫。初政盡改。故以周穆比玄宗。而有回首叫虞舜之詞。其言黃鵠去不息。哀鳴何所投。君看隨陽鴈。各有稻梁謀。則賢人退而徇祿者進矣。趙註以爲慈

恩寺。乃高宗爲文德皇后立。謂子美託虞舜以思高宗。託西王母以思文德后。迂遠無當。泰山樊察作泰山亦非。此言塔高三百尺。遠見秦地衆山細小。而涇渭在衆山之外。又不可見。俯視下界。但蒼蒼一氣耳。其語甚明。無俟穿鑿。

子美七言歌行如曲江第三章。同谷縣七歌。君不見

簡蘇僎。短歌贈王郎。醉歌贈顏少府。及晚晴等

篇。突兀崢嶸。無首無尾。旣不易學。如哀王孫。哀江頭等。雖稍入敘事。而氣象渾涵。更無有相類者。至若畫馬引丹青引等。縱橫軼蕩。而精嚴自如。千載而下。惟獻吉能

之。他人不能得其彷彿也。

謝茂秦云。長篇最忌鋪敘。意不可盡。力不可竭。貴有變化之妙。蘇子由云。老杜陷賊時。有哀江頭詩。予愛其詞氣如百金戰馬。注坡驀澗。如履平地。得詩人之遺法。如白樂天詩詞甚工。然拙於紀事。寸步不遺。猶恐失之。此所以望老杜之藩垣而不及也。愚按子由此論。妙絕千古。然子美歌行。此法甚多。不獨哀江頭也。

子美飲中八仙歌中多一韻二用。有至三用者。讀之了不自覺。少時熟記。亦不見其錯綜之妙。或謂此歌無首無尾。當作八章。然體雖八章。文氣只似一篇。此亦歌行之

變但語未入元和耳。至焦遂一旬。如同谷第七歌聲氣

俱盡

聲氣俱盡須溪洞
谷第七歌評語

子美**五言古****七言歌行**多奇警之句。今畧摘以見**五言古**

如落日照大旗馬鳴風蕭蕭。魂來楓林青。魂返關塞

黑。天長關塞寒。歲暮飢凍逼。日色隱孤戍。烏啼滿

城頭。磊落星月高。蒼茫雲霧收。高壁抵嶽峯。洪濤

越零亂。萬壑歛疎林。積陰帶奔濤。寒日外淡泊。長風

中怒號。長風駕高浪。浩浩自太古。寒日出霧遲。清

江轉山急。高標跨蒼穹。烈風無時休。自非曠士懷。登

茲翻百憂。涕淚濺我裳。悲風排帝閭。**歌行**如七歌

分。悄終曲。仰視皇天白日速。深山窮谷不可處。霹靂
颺颺兼狂風。王郎酒酣拔劍斫地歌莫哀。我能拔爾
抑塞磊落之奇才。豫樟翻風白日動。鯨魚跋浪滄溟開。
蠻夷長老怨苦寒。崑崙天關凍應折。玄猿口噤不能
嘯。白鵠垂翅眼流血。安得春泥補地裂。秋風淅淅吹
我衣。東流之外西日微。松浮欲盡不盡雲。江動將崩
未崩石。三更風起寒浪湧。取樂喧呼覺船重。滿空星
河光破碎。四座賓客色不動。來如雷霆收震怒。罷如
江海凝清光。觀舞 雲來氣接巫峽長。月出寒通雪山白。
古 褒公鄂公毛髮動。英姿颯爽來酣戰。斯須九重真

龍出一洗萬古凡馬空青引魏侯骨聳精爽緊華嶽

峯尖見秋隼等句皆為奇警者也后山謂子美過物

方奇如三江五湖平漫千里因風景作而後出奇是也

至五七言古入聲或多借韻又與古韻不合此前古所

無哀江頭本二韻後人誤作一韻者非

子美歌行起語工拙不同如曲江蕭條秋氣高菱荷枯折

隨風灑四山多風溪水急寒雨颯颯枯樹濕秋風

淅淅吹我衣東流之外西日微今日苦短昨日休歲

云暮矣增離憂疾風吹塵暗河縣行子隔年不相見

諸公袞袞登臺省廣文先生官獨冷甲第紛紛厭梁

肉。廣文先生飯不足。十日畫一水。五日畫一石。能事
不受相促迫。王宰始肯留真跡。等句。既爲超絕。至男
兒生不成名身已老。三年飢走荒山道。王郎酒酣拔
劍斫地歌莫哀。我能拔爾抑塞磊落之奇才。高唐暮
冬雪壯哉。舊瘴無復似塵埃。廊廟之具。裴施州宿昔
一逢無此流。悲臺蕭瑟石龍從。哀壑杈枒浩呼洶
等句。則更奇特。如陸機二十作文賦。汝更小年能綴文
昔有佳人公孫氏。一舞劍器動四方。今我不樂思
岳陽。身欲奮飛病在牀。等句。未可爲法。至天下幾人
畫古松。畢宏已老韋偃少。聞道南行市駿馬。不限疋

言汾莖骨 卷四
數軍中須 麟角鳳嘴世莫識煎膠續弦奇自見 則
斷乎爲累語矣。今人於工者既不能曉於拙者又不敢
言。烏在其能讀杜也。後梅聖俞黃魯直太半學杜累句。
可謂嗜痂之癖。

子美麗人行 **歌行**用樂府語不稱品彙不錄良是憶昔行
更討衡陽董鍊師。討當作訪或以討字爲新不復致疑
安可便謂知杜耶。又篇中如先帝侍女八千人。公孫劍
器初第一。惜哉李蔡不復得。吾甥李潮下筆親。或
從十五北防河。便至四十西營田。等句。卽予所錄者。
亦不免爲累語。至 **歌行**或用俳調。又不可爲法。

或問子美五七言律較盛唐諸公何如。曰。盛唐諸公惟在興趣。故體多渾圓。語多活潑。若子美則以意爲主。以獨造爲宗。故體多嚴整。語多沉着耳。此各自爲勝。未可以優劣論也。

子美五七言律。命意創句。與諸家不同。後之學者欲學子美。必須先學諸家。既而於子美果有所得。然後變調以學之。庶幾不謬。不然。恐徒有重拙之類。不能入其壺奧也。今之初學。輒慕子美。及問子美佳處。直兒童之見耳。故予論之如此。此前人所未道也。

子美律詩大都沉雄含蓄渾厚悲壯。然有句法奇警而沉

雄者。有**意思悲感**而沉雄者。有**聲氣自然**而沉雄者。**五**

言如風連西極動。月過北庭寒。江雲飄素練。石壁斷

空青。滄海先迎日。銀河倒列星。吳楚東南坼。乾坤日

夜浮。星垂平野闊。月湧大江流。萬象皆春氣。孤槎

自客星。地平江動蜀。天闊樹浮秦。**七言**如錦江春

色來天地。玉壘浮雲變古今。江間波浪兼天湧。塞上

風雲接地陰。五更鼓角聲悲壯。三峽星河影動搖。

山連越。鶴蟠三蜀。水散巴渝。下五溪。峽坼雲霾龍虎

睡。江清日抱鼉鼉遊。等句。皆句法奇警而沉雄者。**五**

言如親朋無一字。老病有孤舟。勳業頻看鏡。行藏獨

倚樓。獨坐親雄劍。哀歌歎短衣。名豈文章著。官應
老病休。聖朝無棄物。老病已成翁。近淚無乾土。低
空有斷雲。風塵逢我地。江漢哭君時。七言如萬里
悲秋長作客。百年多病獨登臺。衰年肺病惟高枕。絕
塞愁時早閉門。海內風塵諸弟隔。天涯涕淚一身遙。
時危兵甲黃塵裏。日短江湖白髮前。側身天地更
懷古。回首風塵甘息機。等句皆意思悲感而沉雄者。
五言如劍閣星橋北。松州雪嶺東。南紀連銅柱。西江
接錦城。樓角凌風迥。城陰帶水昏。秦地應新月。龍
池滿舊宮。日出寒山外。江流宿霧中。詔從三殿去。

碑到百蠻開。北關心常戀。西江首獨迴。 **七言**如無

邊落木蕭蕭下。不盡長江袞袞來。殊方日落玄猿哭。

舊國霜前白鴈來。返照入江翻石壁。歸雲擁樹失山

村。雪嶺獨看西日落。劍門猶阻北人來。長路關心

悲劍閣。片雲何意傍琴臺。等句皆聲氣自然而沉雄

者。然句法奇警。意思悲感者。人或識之。聲氣自然者。則

無有識也。學杜者。必先得其聲氣為主。否則終非子美

耳。學初唐亦然。

胡元瑞云。盛唐句法渾涵。如兩漢之詩。不可以一字求。至

老杜而後。句中有奇字爲眼。才有此句法。便不渾涵。愚

按老杜五言律妙處原不在眼。淺薄者但得其眼耳。

子美五言律沉雄渾厚者。是其本體。而高亮者次之。他如胡馬大宛名。致此自僻遠。帶甲滿天地。歲暮遠爲客。何年顧虎頭。光細弦欲上。亦知戍不返。等篇氣格適緊。而語復矯健。雖若小變。然自非大手不能。其他瑣細者。非其本相。晦僻者。抑又變中之大弊也。

古今說杜詩者。不能悉舉。大要多穿鑿附會。淺妄支離。蓋其人興趣既少。而於唐人玲瓏透徹渾圓活潑之妙。既不能知。其質性庸下。於少陵沉雄含蓄渾厚悲壯之處。又不能得。徒以耳食慕少陵。不得已而求之篇格之間。

字句之末故不免於支離穿鑿耳。王元美云王允寧

維

禎字允寧

生平所推伏者。獨杜少陵。其所好談說以為獨解

者。七言律耳。大要貴有照應。有開闔。有關鍵。有頓挫。其

意主興主比。其法有正插。有倒插。要之杜詩亦一二有

之。不必盡然也。山谷亦云。彼喜穿鑿者。棄其大旨。取其

發興於所遇。林泉人物草木魚蟲。以為物物皆有所託。

如世間滴度隱語者。則子美之詩委地矣。愚按說詩至

此。自是子美厄運。至國朝弘正諸子學杜。則杜學始

昌也。

以下二則與總論詩法源流一則參看

太白古詩歌行與子美並駕千古。宋人多推子美。而遺太

白者。蓋宋人自歐蘇二三名家而外。率皆淺鄙。踈陋於
舌詩歌行。畧無所得。一時所崇尚者。七言律耳。而子美
七言律最多。說者又有篇格句字。照應關鍵等說。故淺
鄙者好之。實於杜律一無所解也。

胡元瑞最愛老杜風急天高一篇。反覆讚歎。凡數百言。要
皆得於影響。惟云一篇之中。句句皆律。一句之中。字字
皆律。錙銖鈞兩毫髮不差。又云微有說者。是杜詩非唐
詩耳。此論可謂獨得。與盛唐總論于美
信大一則參看然此篇在老杜

七言律誠為第一。但第七句。卽杜體亦不免為累句。

元美嘗欲於老杜玉露彫傷。昆明池水風急天高老去悲

秋四篇定爲唐人七言律第一。中雖稍有相詆。又皆無當。愚按杜律較唐人體各不同。無論若藜菊兩開他日。淚語非純雅。織女機絲虛夜月。石鯨鱗甲動秋風。細大不稱。羞將短髮還吹帽。笑倩傍人爲正冠。似巧實拙。故自風急天高而外。在杜體中。亦不得爲第一。况唐人乎。老去悲秋。宋人極稱之。自無足怪。

子美七言律如風急天高。重陽獨酌。楚王宮北。秋盡東行。花近高樓。玉露彫傷。野老籬前。群山萬壑等篇。沉雄含蓄。是其正體。國朝諸公多能學之。而穩貼勻和較勝。如年年至日。近聞寬法。使君高義。曾爲掾吏。寺下春江。

等篇其格稍放是爲小變後來無人能學至如黃草峽
西苦憶荊州白帝城中西嶽峻峭城尖徑旻二月饒睡
愛汝玉山去年登高等篇以歌行入律是爲大變宋朝
諸公及李獻吉輩雖多學之實無有相類者

或問子美年年至日一篇一氣渾成與崔顥黃鶴鴈門寧
有異乎曰律詩請極者以圓緊爲正駘蕩爲變黃鶴前
四句雖歌行語而後四句則甚圓緊鴈門則語語圓緊
矣年年一篇雖通篇對偶而淋漓駘蕩遂入小變機趣
雖同而體製則異也然讀年年等作便覺秋興諸篇語
多窒礙予嘗謂子美七言律變勝於正終不能祛後世

之惑。

王元美云。老杜以[歌行入律]亦是變風。不宜多作。多作則

傷境。愚按子美[七言以歌行入律]雖是變風。然豪曠磊

落。乃[才大而失之於放]蓋過而非不及也。馮元成謂如

促柱急絃。雷轟石飛。落落感慨。令人興懷不淺。得之與高

岑論中五言不拘律法者三則參看

唐人詩。惟杜詩最難學。而亦最難選。子美律詩[五言多晦

語僻語]。[七言多穉語累語]。今例以子美之詩。而不敢議

又或於晦僻穉累者。反多錄之。則詩道之大厄也。晦僻

者。不能盡摘。穉累者。畧舉以見。如西望瑤池降王母

柴門不正逐江開。三顧頻繁天下計。風飄律呂相
和切。不分桃花紅勝錦。生憎柳絮白於綿。桃花細
逐楊花落。黃鳥時兼白鳥飛。酒債尋常行處有。人生
七十古來稀。穿花蛺蝶深深見。點水蜻蜓款款飛。等
句皆穉語也。如艱難苦恨繁霜鬢。晝漏稀聞高閣報。
恒飢稚子色淒涼。志決身殲軍務勞。寵光蕙葉
與多碧。太向交遊萬事慵。總戎楚蜀應全未。方駕
曹劉不曾過。不爲困窮寧有此。穉緣恐懼轉須親。
等句皆累語也。胡元瑞云。子美利鈍雜陳。正變互出。後
來沾漑者無窮。註誤者亦不少。按宋梅黃諸人。於其晦

僻穉累處。悉力擬之。此是意見乖謬。非註誤也。

王元美云。子美七言絕。變體間為之可耳。不足多法也。愚

按子美七言絕。雖是變體。然其聲調實為唐人竹枝先

倡。須溪謂放蕩自然。足洗凡陋。是也。惟五言絕失之太

重。不足多法耳。

子美眾作。雖與諸家不同。然未可稱變。至五言古如柴門。

杜鵑。義鶻。彭衙。用韻錯雜。出語豪縱。七言古如魏將軍。

歌憶昔行。用韻險絕。造語奇特。皆有類退之矣。茅屋為

秋風所破。亦為宋人濫觴。皆變體也。又七言律如伯仲

之間。見伊呂。指揮若定。失蕭曹。韓公本意。築三城擬

絕天驕拔漢旌。豈謂盡煩回紇馬。翻然遠救朔方兵。

始漸涉議論。五言律如吾宗老孫子。江皋已仲春。七言

律如清江一曲。一片花飛朝回日日。等篇亦宛似宋人

口語。予嘗與方翁恬論詩。予曰。元和諸公始開宋人門

戶。翁恬曰。杜子美已開宋人之門戶矣。此語實不為謬。

但初學聞之。反以為怪耳。後觀馮元成議論亦同。

楊用修云。宋人以子美能以韻語紀時事。謂之詩史。見唐書

鄙哉。夫六經各有體。若詩者。其體其旨。與易書春秋判

然矣。三百篇皆意在言外。使人自悟。杜詩含蓄蘊藉者。

蓋亦多矣。宋人不能學之。至於直陳時事。類於訐訕。乃

其下乘末脚而宋人拾以爲已寶。又撰出詩史二字以誤後人。如詩可兼史則尚書春秋可以併省矣。愚按用修之論雖善而未盡當。夫詩與史其體其旨固不待辯而明矣。卽杜之石壕吏新安吏新婚別垂老別無家別哀王孫哀江頭等。雖若有意紀時事而抑揚諷刺悉合詩體。安得以史目之。至於含蓄蘊藉雖子美所長而感傷亂離耳目所及以述情切事爲快。是亦變雅之類耳。不足爲子美累也。

或問予。歐陽公不好杜詩。其意何居。曰。至和嘉祐間。

俱仁宗年

號場屋舉子爲文尚奇澀。讀或不成句。歐公力欲革其

弊。既知貢舉。凡文涉雕刻者皆黜之。時楊大年。錢希聖。晏同叔。劉子儀為詩皆宗李義山。號西崑體。公又矯其弊。專以氣格為主。子美之詩間有詰屈晦僻者。不好杜詩。特借以矯時弊耳。或言歐公欲倡古文以抑末學。是又不然。果爾。則歐公但不為詩足矣。何既為之。而又不好杜耶。

開元中任華雜言有寄李白寄杜甫及懷素草書歌三篇

極其變怪

下流至盧仝劉義雜言

然語實鄙拙未足成家蓋其人

質性狂蕩而識趣庸劣心慕李杜而不能故其流至此耳。今以其詩附見李杜詩後以見極盛之時已有大變

者在也。

任華如寄李白云。登廬山觀瀑布。海風吹不斷。江月照還空。余愛此兩句。登天台望渤海。雲垂大鵬翼。山壓巨鰲背。斯言亦好。至于他作。多不拘常律。而我有時白日忽欲睡。睡覺忽然起攘臂。任生知有君。君也知有任生未。寄杜甫云。杜拾遺名甫第二才甚奇。昨日有人誦得數篇黃絹詞。吾怪異奇特。借問果然稱是杜二之所爲。古人制禮。但爲防俗士。豈得爲君設之乎。而不飛不鳴亦何以。只待朝廷有知己。已曾讀却無限書。拙詩一句兩句在人耳。等句。最爲鄙拙。以此效李杜。

正猶東施捧心。見者驚走耳。近世好奇者。往往墮此障中。故詳言之。若寄李白。目送飛鴻。對豪貴。可稱佳句。

任華懷素草書歌云。一顛一狂多意氣。大叫數聲起攘臂。揮毫倏忽千萬字。有時一字兩字長丈二。翁若長鯨撥刺動海島。欬若長蛇成律透深草。擲華山巨石以爲點。掣衡山陣雲以爲畫。千魑魅兮萬魍魎。欲出不出何閃閃。又如浩海日暮愁陰濃。忽然躍出千黑龍。等句。猶見酒肆俗書惡態。素書本自豪蕩。但以華識趣庸劣。反形容入俗耳。餘見盧仝論中

詩源辨體卷二十 中唐

改定本

江陰許學夷伯清 著

(開)(元)(天)(寶)(間)(高)(岑)(王)(孟)(古)(律)(之)(詩)(始)(流)(而)(為)(大)(曆)(錢)(名)(起)

文劉名長卿諸子錢劉才力既薄風氣復散故其五七字仲

言古氣象風格頓衰然自是正變正變之說見晚唐總論五七言古正變止

此權德輿李益正而非變元和間成諸子變而非正五七言律造詣興趣所到化

機自在然體盡流暢語半清空而氣象風格亦衰矣亦

正變也下流至柳子厚五七言律

錢劉五言古平韻者多忌上尾仄韻者多忌鶴膝劉句多

偶儷故平韻亦間雜律體然才實勝錢七言古劉似沖

淡而格實卑調

又不純

凡歌行如用古調自不必拘若用俳調則轉韻宜平仄相間庶

為可歌今劉實用俳調而轉韻平仄疊用故為不純初唐亦然

錢格若稍勝而才不及

故短篇多鬱而不暢蓋欲鋪敘而不能耳

五言古劉如蕭蕭清秋暮嫋嫋涼風發湖色淡不流沙鷗

遠還滅

頃為衡湘客頗見湖山趣湖氣和楚雲夕陽

映江樹

峯峯帶落日步步入青靄香氣空翠中猿聲

暮雲外

夕陽留古木水鳥拂寒浪月下扣船聲烟中

采菱唱

錢如新晴村落外處處烟景異片水明斷崖

餘霞入古寺

向山看霽色步步豁幽性返照亂流明

寒空千嶂淨

殘雲虹未落返景霞初吐時鳥鳴村墟

新泉遶林園 更憐垂綸叟靜若沙上鷺一論白雲心

千里滄洲趣 七言古劉如江潭歲盡愁不盡鴻鴈春

歸身未歸 窮巷無人鳥雀聞空庭新雨莓苔綠 關

路迢迢匹馬歸垂楊寂寂數鷺飛 故人不在明月在

誰見孤舟來去時 錢如灞上春風留別袂關東新月

宿誰家 十年失路誰知也千里思親獨遠歸 關東

新月對離罇江上殘花待歸客 白王臆中聞落葉應

憐寒女獨無衣 等句較之高岑則氣象風格頗衰矣

錢七言格稍勝者
不述論其常也

初唐七言古句皆入律此承六朝餘弊錢劉七言古亦多

入律此是風氣漸漓也。聲韻雖同而風格大異耳。

五七言律絕以全集觀錢去劉益遠。然錢五言律如欲知
儒道貴邊事多勞役絳節引雕戈。三篇氣格在初盛唐
之間。勝景不易遇一篇以古入律氣格亦近高岑。惜結
語皆弱。劉止番禺萬里路一篇爲近初盛耳。元瑞亦嘗
言之。王元美云錢劉並稱錢似不及劉得之。又云錢意
揚。劉意沉。錢調輕。劉調重。則全不相類。

五言律劉如逢君穆陵路。錢如事邊仍戀主。一篇較前四
作雄麗稍遜而完美勝之。足繼開寶餘響。劉荒村帶晚
照一路經行處。二篇雖工實中唐也。

五言排律有雙韻無單韻中唐劉長卿止有五韻一篇而他皆嚴整錢起而下復多有單韻者矣。

七言律劉如建牙吹角征西諸將十年多難若為天畔等篇在中唐聲氣為雄其他氣雖有降無不稱工錢未央月曉紫微晴雪二月黃鸝三篇氣亦不薄其他自日暖風恬而外完善者實少劉建牙吹角為中唐七言律第一元美極稱之而于鱗不錄實所未曉錢自笑鄙夫一篇則已近開成矣。

謝茂秦云七言律初唐句法嚴整或實字疊用虛字卑使自無敷演之病如沈雲卿漢家城闕疑天上秦地山川

似鏡中。宋之間文移北斗成天象。酒近南山作壽杯。自見中唐錢劉虛字半之格。調漸下。予謂初唐七言律非無虛字。但用之皆得其力。中唐用之不免敷衍單弱耳。詳而論之。錢用虛字為多。劉間有之。試觀錢湖南遠去一篇。則易曉也。

五七言律 **劉體** 盡流暢語。半清空而句意多相類。錢去劉雖遠而入錄者。覺別有風韻。劉**五言**如更落淮南葉。難為江上心。孤雲飛不定。落葉去無蹤。遠磬秋山裏。清猿古木中。東西湖渺渺。離別雨瀟瀟。勸耕滄海畔。聽訟白雲中。禪客知何在。春山到處同。新年芳

草遍終日白雲深。乞食山家少尋鐘野寺遙。 七言

如官舍已空秋草沒女牆猶在夜烏啼。孤城盡日空

花落三戶無人自鳥啼。天香月色同僧室葉落猿啼

傍客舟。秋草獨尋人去後寒林空見日斜時。深花

寂寂宮城閉細草青青御路閒。身隨傲履經殘雪手

綻寒衣入舊山。定攀巖下叢生桂欲買雲中若箇峯。

等句。皆清空流暢者也。錢 五言 如迴雲隨去鴈寒露

滴鳴蛩。片月臨階早晴河度鴈高。陰階明片雪寒

竹響空廊。行道白雲近然燈翠壁深。薄田供歲酒

喬木待新禽。雞聲共林巷燭影隔茅茨。 七言 如雪

霽山門迎瑞日。雲開水殿候飛龍。長信月留寧避曉

宜春花滿不飛香。晴畫長樂鐘聲花外盡。龍池柳色雨

中深。早朝幽溪鹿過苔還靜。深樹雲來鳥不知。等句皆

別有風韻者也。

或問沈宋五七言律。化機尚淺。而以爲正宗。錢劉諸子化

機自在。而以爲正變。何也。曰。唐人之詩。以氣象風格爲

本。根本不厚。則枝葉雖榮。而弗主耳。斯足以知大曆矣。

盛唐高岑五言。子美七言。以古人律。雖是變風。然氣象風

格自勝。錢劉諸子五七言。調雖合律。而氣象風格實衰。

此所以爲不及也。

中唐五七言絕錢劉而下皆與律詩相類化機自在而氣

象風格亦衰矣亦正變也五言上承太白摩詰諸子下流至許渾李商隱七言上承

太白少翁諸子下流至許渾杜牧李商隱温庭筠

錢五言絕燕趙悲歌士一篇頗類盛唐人語